



# Soposopun Kapas eis me ponuwan ika FAQs ren ei Opposun Eppetin COVID-19

(8-16-2021)

## Awewen:

1. **Soposopun Oppos:** Ewe opposun ren ei eppetin semwen mei katou ngeni aramas ion ese naf pochokunen noun monun fiu ngeni semwen meren ar kewe opposun eppet. Pwan ew oppos epwe pwan pacheta an epwe anisi pochokunen monun fiu ngeni semwen non inisir.
2. **Anapano pochokun oppos:** Ewe oppos ren eppetin semwen mei katou ngeni ion ese naf pochokun noun monun fiu ngeni semwen meren ar kewe opposun eppet, nge noun monun fiu ngeni semwen mei mang an epwe pochokun.

## Q: Mei menei ach sipwe aea ekkewe minen anapano pochokun oppos ren an iei a fat ngenikich usun mwitirin cheunon ewe Delta variant?

A: Ekkewe opposun eppet mei chok sopwosopwono won watten pochokunan an epwe tongeni eppetini seni aramas ier 12 feita ewe watten semwen me ewe Delta variant. Non ei fansoun, ewe CDC me ewe Committe ren Pekin Ourour won Angangen Oppos (ACIP) rese mwo wau pworousan ngeni aramas ese nifinifin ren aean ekkewe minen anapano pochokun oppos.

## Q: Nge ifan ika ngang emon mei apwangapwang nei monun fiu ngeni semwen? Upwe pwan tingor ren pwan och sopwosopwun oppos ren ewe opposun eppetin COVID-19?

A: [Non Aug. 12, Ewe U.S. Food me Drug Administration \(FDA\) a adjustini ewe Emergency Use Authorizations \(EUA\) mei wor](#) fan iten ewe Pfizer me ewe Moderna opposun eppetin COVID-19 an a mwutata an ekkewe aramas mei apwangapwang nour monun fiu ngeni semwen ar repwe ne pwan angei eunungatin ar oppos ren ew me nein ekkewe opposun eppet ir mei angei.

Ewe eunungatin oppos ren ewe opposun eppet Pfizer mei tongeni epwe katou ngeni emon me murin 28 ran an angei ewe oruwan oppos ren ewe ruw-oppos ngeni ekkewe aramas ier 12 me nap seni ir mei apwangapwang nour monun fiu ngeni semwen.

Ewer eunungatin oppos ren ewe opposun eppet Moderna mei tongeni epwe katou ngeni emon me murin 28 ran an angei an iwe oruwan oppos ren ewe ruw-oppos ngeni ekkewe aramas ier 18 me nap seni ir mei apwangapwang nour monun fiu ngeni semwen.

Ren an epwe tufich ngeni, mei auchea pwe kopwe angei ew chok sokkun opposun eppet usun met ka fen angei me mwan. Ika pwe ena sokkun opposun eppet ese wor, iwe mei pwan och omw kopwe angei ewe pwan ew sokkun opposun eppet mRNA. Ewe CDC mei ouroura ekkewe aramas a unus ar opposun eppet nge mei apwangapwang ar monun fiu ngeni semwen pwe repwe sopweno ne aea pwonupwonun aaw me pwot nupwen repwe nomw nein aramas ese nifinifin, resapw nomw nein chommong aramas me non neni mei ngaw fetanin asepan me non, iwe repwe pwan nomw ukukun onuw fit towawer seni pwan ekkoch ion rese nonomw fengen non ew imw.

**Q: Lokewe ir mei nomw non tetenin pwe mei apwangapwang nour monun fiu ngeni semwen me fan nurun ewe EUA mei ekkesiwin?**

**A:** Non an FDA pworous, “aramas mei apwangapwang nour monun fiu ngeni semwen” iwe mei awewetiw pwe ekkewe ir mei ekkesiwin mason non inisir ar angei seni ekkoch ika pwan ekkoch ion mei wewe ngenir an a kisino met mosowen non ar monun fiu ngeni semwen.

Ewer ACIP a pwan achowateno an FDA iwe awewen foos ren "ekkeke aramas mei apwanagpawang nour monun fiu ngeni semwen" an epwe pachenong ekkewe aramas mei:

- Ir mei nomw non pioing ren ar kuta aninisir fan iten ir mei wor rer tumor me hematologic malignancy
- Ir ra fen wor ekkesiwinin masowen non inisir an a tour ngenir me pwan nomw non therapu ren aninisin immunosuppressive
- Ir ra nomw won CAR (chimeric antigen receptor)-T-cell ika a wor hematopoietic stem cell ra angei (non ekkewe ruw ier ren ar fori angangen ekkesiwin masowen non inisir ne angei meren emon me pwan nomw won therapy ren immunosuppression)
- Mei chok ukukeoch ika watte ar nafangaw nour monun fiu ngeni semwen (awewe, DiGeorge, Wiskott-Aldrich syndome)
- Mei nomw won watte ngenir ika rese mwo safei ren an wor rer monun HIV
- Ir mei nomw won safei ren watten safeien corticosteroid (awewe,  $\geq 20$ mg prednisone ika wewe ngeni chok non ew ran) ekkewe safeien alkalating, antimetabolites, safeien immunosuppressive ren ekkesiwinin masowen non inis, ekkewe agent mei fat pwe mei watte immunosuppressive ren chemotarapeutic fan iten cancer, eppetin TNF, me pwan ekkoch agent mei forata immunosuppressive ika immunomodulatory

**Q: Ika pwe ngang mei apwangapwang nei monun fiu ngeni semwen, ngang mei tongeni kokori ewe chon uwau opposun eppet ren ai upwe fori fansoun ai upwe angei pwan sopwosopwun ewe oppos?**

**A:** Ika pwe en mei nom non tetenin ew ika nap seni ekkewe sokkun nikinik mei awewetiw ren "aramas mei apwangapwang nour monun fiu ngeni semwen" fan nurun ewe ourour ren ei EUA, iwe kopwe pworous ngeni noumw we dokter ren an epwe ekieki ngonuk ika pwe en mei tufichin kopwe pwan angei sopwosopwun oppos ren ewe opposun eppet mRNA.

Ika pwe en mei, iwe mei auchea kopwe pusin anetata metewe sokkun nikinik en mei nomw won ren omw apwangapwang noum monun fiu ngeni semwen me mwen kopwe angei sopwosopwun oppos ren omw opposun eppet.

**Q: Ewe sopwosopwun oppos epwe pwan usun chok koukun ekkewe oppos me mwan?**

**A:** Ewer, ion aramas mei apwanapwang noun monun fiu ngeni semwen mei fini pwe epwe pwan angei sopwosopwun an oppos ren efoch ekkewe opposun eppet mRNA epwe chok pwan angei ukukun koukun ewe opposun eppet a fen angei me mwan.

**Q: Mei tongeni pwe ewe sopwosopwun oppos epwe sakono seni ewe aewin opposun eppet mRNA me mwan?**

**A:** Ika pwe epwe wor fansoun ewe aewin opposun eppet mRNA ese chiwen wor an ewe aramas epwe angei nge ir mei nomw non koukun ierin an emon epwe tongeni pwan angei ew sokkun opposun eppet mRNA, ir mei tongeni pwe repwe angei ew oppos ren ewe opposun eppet mRNA mei sakono seni metewe aewin opposun eppet mRNA ra fen angei.

**Q: Met chok uwau oppos repwe sinei fan iten tumwunun me angangen repot me murin ar uwau ewe eunungatin oppos?**

**A:** Chon uwau repwe fori angangen nenengeni ren met mei fis epwe tumwun, pachenong met sokkun mei fis ngenir me murin ar angei. Mei pesepes ngeni chon uwau oppos pwe repwe repotei sokkun met mei fis ngenir ngeni ewe Vaccine Adverse Vents Reporting Database (VAERS). <https://vaers.hhs.gov>

**Q: Nge ika pwe ewe aramas mei apwangapwang noun monun fiu ngeni semwen e angei ewe opposun eppet Johnson & Johnson?**

**A:** Non ei fansoun, At this time, the CDC ese mwo naf met data mei wor ren an epwe ekieki ngeni ika pwe epwe pwan wor sopwosopwun oppos ren ewe opposun eppet Johnson & Johnson an epwe tongeni anisi ne apochokuna noun emon aramas mei apwangapwang noun monun fiu ngeni semwen iwe ese mwo pwan wor pworousan an epwe wor sopwosopwun oppos ren ewe opposun eppet Johnson & Johnson ika opposun eppet mRNA. Ekkei sokkun ekiiek ren met epwe fis epwe wor anen nenengeni sefani nupwen epwene wor data.

**Q: Fite ukukun aramas repwe tongeni wor met epwe fis ngeni meren ewe EUA mei ekkesiwin iwe epwe pwan nafeoch opposun eppet mei wor an epwe anisi me atawei met ei mochen mei wor?**


A: Ewe CDC mei kouk won pwe ina epwe ukukun 3% chon nomw U.S ir mei nomw non tettenin pwe ir mei apwangapwang nour monun fiu ngeni semwen. Ei ukukun, nge, ew chok ekiek pwe epwe ina koukun.

**Q: Ei mwutirin cheunon ewe Delta variant a forata an ewe FDA me CDC repwe ekkesiwini ewe EUA fan iten Pfizer me Moderna?**

A: Non fansoun an a wor pwopworous fan asengesin an epwe wor sopwosopwun oppos me mwen an epwe pwoputa cheunon ewe Delta variant, ena Delta variant ina met a appochokuna ekkewe pwopworous me mwan me iei fan asengesin angangen protocol me eppetin COVID-19.

**Q: Pwata ekkewe ekkoch sokkun nikinikin mei semwen ita ururun repwe nomw non tettenin pwe ir mei apwangapwang nour monun fiu ngeni semwen rese pachenong non ewe angangen ekkesiwin ngeni ewe EUA?**

A: “Aramas mei apwangapwang nour monun fiu ngeni semwen” mei ochupafengeni chommongun sokkun aramas. Iwe nge, ewe CDC mei mochen pwe epwe fori pwe ewe ekiekin epwe wor sopwosopwun oppos epwe chok no ngeni ekkewe aramas ion rese mefi pwe mei wor pochokunen ekkewe opposun eppet ir mei angaei mwan. Aramas ion mei watte ngenir efeiengawen COVID-19, nge rese mwo mefi pwe mei naffoch angangen anisi nour monun fiu ngeni semwen seni ewe opposun eppetin COVID-19 me mwan, rese pachenong non ewe ekkesiwin ngeni ewe EUA. Ei ningos fan mei pwari ekkoch met kunaian CDC.



Ei taropwe mei awora sopwosopwun pworous won met mei auchea ren opposun eppet ngeni ekkewe aramas ir mei apwangapwang nour monun fiu ngeni semwen:

- [An ACIP Ekkesiwinin Ourour ren Oppos ren Apwangapwangen Monun Fiu Ngeni Semwen](#)
- [Angangen Kaeo Ngeni an IDSA non 2013 ren Opposun Eppet fan iten Ewe Aramas Mei Apwangapwang Noun Monun Fiu Ngeni Semwen](#)
- [Noun CDC Yellow Book 2020](#)

**Q: Nge aean ekkewe monoclonal antibody ren angangen eppet?**

A: Ewe FDA mei mwutata [aninisin safei ren monoclonal antibody](#) fan iten chok aean non fansoun atapwanapwan ren ekkewe aramas ion a ier 12 me nap seni, mei ukukun 88 pouner me pwan watte ngenir efeiengawen COVID-19 ika ir mei niuing non pioing.

Ren met ekkewe chon uwau oppos ir mei ani osukosukan fan iten ekkewe aramas ion a unus an opposun eppet me mei apwangapwang nour monun fiu ngeni semwen, ewe monoclonal antibody iei mei pwano pwe mei watten nge mei pachenong me murin ar nomw ren ekkewe mei wor rer ewe semwen ren ekkewe ir ra unnus ar opposun eppet nge ir mei apwangapwang nour monun fiu ngeni semwen. Ekkewe monoclonal antibody mei wor non ar repwe angei non ekkei nikinikin an epwe opposunong fan unucher me non waan non inis.

Ekkewe monoclonal antibody esapw ekkoch ekkesiwinin ewe opposun eppet.

**Q: Nge ika nei we dokter a makkeito taropwen unumei safei pwe upwe angei sopwosopwun oppos ren mRNA nge ngang use apwangapwang nei monun fiu ngeni semwen?**

A: Ekkewe aninisin oppos rese mwumwuta me fan nurun an FDA we mwumwutan ar repwe aea (EUA) ngeni aramas ir rese apwangapwang nour monun fiu ngeni semwen. Ewe etipeew fan iten ekkewe chon uwau opposun eppet COVID-19 rese mwutata an esapw affat aean ekkewe opposun eppet, pachenong an epwe wor aean oppos epwe kapacheta pwe oruwen oppos ren ewe Johnson & Johnson ika eunungatin oppos epwe kapacheta me murin ekkewe ruwofoch ren Pfizer me Moderna. Kapachetan oppos epwe wor epwe feito seni ewe dokter ren pekinon met koukun aean ren EUA iwe epwe wor pworous won ngeni ewe chon wisen fori ewe oppos me FDA.

Me non ena etipeew non an CDC we Prokramen Opposun Eppet COVID-19, ekkewe chon uwau oppos ir mei auchea repwe wau ewe opposun eppet COVID-19 non ar repwe fiti ngeni met ourour meren CDC/ACIP.

**Q: Emon mei semwen mei apwangapwang noun monun fiu ngeni semwen a fen angei me ruwofoch ekkewe oppos ren opposun eppet mRNA mei nomw non tettenin pwe ese mwo unuseno an opposun eppet?**

A: Apw. Meren ekkewe chon angangen CDC, ewe awewen foos pwe emon a unuseno an opposun eppet esapw pwan ekkesiwin anongonong won ei minafon ekiek. Aramas ion ra fen angeni ar opposun eppet ika pwe ewe efoch chok oppos ren ewe opposun eppet Johnson & Johnson ika ewe ruwofoch oppos ren ewe opposun eppet mRNA iwe ra nomw non tettenin pwe ra unuseno ar opposun eppet. Ren ekkewe aramas ir

mei chok ukukeoch ngeni watte ar apwangapwang nour monun fiu ngeni semwen, repwe weweiti pwe watten efeiengawen ewe monun COVID-19 ngenir me pwan anomwu non ekiek pwe ir mei tongeni repwe angei eunungatin oppos ren opposun eppet mRNA ika pwe ir mei nomw non ekkewe tetten mei affat non ewe ekkesiwinin EUA.

**Q: Oregon epwe pwan forata ew met an ACIP ekkiek me ottot fan iten sopwosopwun oppos?**

**A:** Ewe committee won Western States Safety me Scientific Advisory mei pworous won an ACIP kewe ekkiek me ottot me pwan sainei aean sopwosopwun opposun eppet mRNA ngeni ir ekkewe mei apwangapwang nour monun fiu ngeni semwen ir mei tufichin repwe angei. Ekkewe mei semwen me chon uwau oppos mei pesepes ngenir pwe repwe pworous won met eochun me met efeiengawen ewe sopwosopwun oppos ren ar repwe ekiek won met kokkot repwe finata ren sopwosopwun oppos. Sopwosopwun pworous ka tongeni kuna me won an CDC we page ren met ar kokkot: <https://www.cdc.gov/vaccines/covid-19/clinical-considerations/covid-19-vaccines-us.html>

**Toureochun Taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Porousen Health won 1-971-673-2411, 711 TTY ika [COVID19.LanguageAccess@dhsosha.state.or.us](mailto:COVID19.LanguageAccess@dhsosha.state.or.us).